

Акафист Пресвятей Богородице, иконы Ея ради, Прибавление ума именуемая.

Кондак 1

Избранней от всех родов Божией Матери, Небесé и земли Царице, врачевствó духовное всему миру подающей, благодарная пения приносим о даровании Божественнаго сокровища, чудотворныя иконы Ея, Прибавление ума нареченныя, еюже ограждаеми, радуемся светло и с любовью взываем: Радуйся, Всемилостивая Владычице, премудрость и разум верным людем Твоим дарующая.

Икос 1

Ангел предстатель послан бысть во град Назарет к чистей Отроковице Марии рещи: «Радуйся, Тобою бо Сын Божий воплотится». Пречистая же Дева, благовестие Архангела слышавши, во смирении сердца отвеща: «Се, Раба Господня, буди Мне по глаголу твоему». Мы же грешнии, благоговейно чтуще Матерь Христа Бога нашего, яко от Ангела научихомся, тако со умилением вопием Благодатней:

Радуйся, Благословенная в женах;
радуйся, у Господа обретшая благодать.
Радуйся, силою Всевышняго осененная;
радуйся, Духом Святым освященная.
Радуйся, верная Раба Господня;
радуйся, Спасителя мира рождающая.
Радуйся, Богоизбранная Отроковице;
радуйся, Небесé и земли Царице.
Радуйся, Мати Света, всех просвещающего;
радуйся, верных смислы озаряющая.
Радуйся, премудрых превосходящая разум;
радуйся, яко Тя убожают вси роды.

Радуйся, Всемилостивая Владычице, премудрость и разум верным людем Твоим дарующая.

Кондак 2

Видящи, Всенепорочная, желание людей новопросвещенных, благословила еси евангельских таин благовестника апостола Луку написати пречистаго лика Твоего изображение, и проглаголала еси: «С сим образом благодать Моя и сила да будет». Темже благоговейно поклоняющися пред святыми иконами Твоими, имиже весь мир

христианский украсила еси, благодарственно вопиём о Тебе Богу:
Аллилуиа.

Икос 2

Разум небесный открываючи, Пречистая Дево, многажды благоволила еси явити всем верным, какова есть воля Божия, благая и совершенная, и всяк ум превосходящая. Призри на нас, Всепетая Богородице, озари светом истины, утеши нас, яко Мати, настави нас на путь правды, да возопиим молящеся Тебе тако:

Радуйся, Божию Премудрость, Христа родившая;

радуйся, Бога человеком соединившая.

Радуйся, светом разума души наша просвещающая;

радуйся, неизреченную славу Божию вмещающая.

Радуйся, почитающих святых иконы освящающая;

радуйся, духовная сокровища щедро раздающая.

Радуйся, честным Твоим иконам благодать дарующая;

радуйся, поклонение пред образы Твоими Сама приемлющая.

Радуйся, исцеления от икон Твоих изливающая;

радуйся, к Небесам умы и сердца наша возводящая.

Радуйся, всю вселенную лучами Твоей благодати озаряющая;

радуйся, с Сыном Твоим и Богом вечно царствующая.

Радуйся, Всемилостивая Владычице, премудрость и разум верным людем Твоим дарующая.

Кондак 3

Силою благодатною осеняеми, благочестивии людие во град Назарет приидоша и обретоша тамо дом Богородичен, идеже Пречистая Дева родися и благовестие Архангела прият, и пренесоша дом той в землю Италийскую, во град Лорето. Верху же дома онаго доньне есть образ Богородичен, от древа резан, егоже ангельския Небесныя Силы невидимо окружают и благолепно чествуют, радостне вопиюще Богу: Аллилуиа.

Икос 3

Имуще к роду христианскому матернее милосердие, вси концы земли ко спасению призываеши, Пречистая, темже убо народи разноречивии от многих стран приходят в дом Твой, и пред иконою Твоею покаяние приносят, и к жизни новей благодатное укрепление приемлют. Сего ради от востока до запада прославлена бысть икона

Твоя чудеса многими, и избавлении от болезней, скорбей и напастей людие приносят Ти благодарения, зывающе:

Ра́дуйся, Дóме, Егóже созда Себе Премúдрость Бóжия;
ра́дуйся, Гра́де Бóжий, Ёже от мáлаго гра́да Назарéта произы́де.

Ра́дуйся, дом Бóжий вхождéнием Тво́им озарíвшая;
ра́дуйся, Отрокови́це Святáя, Святýх бóльшая.

Ра́дуйся, с Предвéчным Богомладéнцем в Назарéт пришéдшая;
ра́дуйся, та́инству спасéния рóда человéческаго послужíвшая.

Ра́дуйся, Лéстнице, ёюже восхóдим от земли на Нéбо;
ра́дуйся, всемú миру предíвный Покрóве.

Ра́дуйся, я́ко с véрою поклоня́емся пречíстаго л́ика Твоегó изображéнию;

ра́дуйся, я́ко от негó приéмлем благодáтныя дáры во спасéние.

Ра́дуйся, д́вная знáмения икóнами Тво́ими совершáющая;
ра́дуйся, род христиáнский держáвно заступáющая.

Ра́дуйся, Всемíлостивая Влады́чице, премúдрость и рáзум véрным лю́дем Тво́им дáрующая.

Кондак 4

Бúрею скóрби véлия одержíмь бе изóграф нéкий в помрачéнии рáзума, от земн́х врачéй пóльзы не получíвый. Тогда́ Пречíстая Мáти Гóспода яв́ися боля́щему в том же óбразе, ёже и дом Ея во гра́де Лорéто освящáет, и заповéда икóну написáти. Сиé испóлнив, изóграф исцели́ся и от сегó икóну новоп́isanую Прибавлéние умá наречé, поя́ пред нéю хвалéбную песнь Бóгу: Аллилу́иа.

Икос 4

Сл́бшавше лю́дие земли́ Рýсския, я́ко благоизвóли Пресвятáя Богорóдица дáти им в рáдость и утешéние икóну Сво́ю, Прибавлéние умá наречéнную, украсíша хра́мы и дóмы сво́я многими сп́сками ея́, от н́хже д́вная знáмения и чудесá об́ильно содева́ются всем притека́ющим с véрою и пою́щим Преблагословéнной такова́я:

Ра́дуйся, óбраз Твой честн́ый во утешéние и освящéние нам дарова́вшая;

ра́дуйся, со икóнами Тво́ими благодáтными невидíмо в дóмы нáша входя́щая.

Ра́дуйся, болéзни душéвныя и телéсныя икóною Тво́ею скóро врачúющая;

ра́дуйся, лóбящая и чтúщая Твой óбраз от вс́ких бед избавля́ющая.

Ра́дуйся, оста́вленных врача́ми на Сво́й всемо́щней ру́це
прие́млющая;

ра́дуйся, благослове́ние, здра́вие и ра́дование тем подаю́щая.

Ра́дуйся, я́ко от восто́ка и до за́пада и́мя Твое́ ублажа́ется;

ра́дуйся, зе́млю на́шу покрóвом ми́лости Твоея́ осеня́ющая.

Ра́дуйся, помраче́нных умóв исцеле́ние;

ра́дуйся, по́мыслов на́ших просвеще́ние.

Ра́дуйся, позна́ния и́стины чи́стое зерца́ло;

ра́дуйся, ве́ры пра́выя крѣпкое забра́ло.

Ра́дуйся, Всеми́лостивая Влады́чице, премúдрость и ра́зум ве́рным
лю́дем Твои́м да́рующая.

Кондак 5

Боготѣчней звездѣ подобна явися икона Твоя, Богомати: страну бо
нашу и грады ея освящает, сущих во тьме невежества светом
боговедения озаряет, разум наш, страстьми помраченный,
просвещает, заблуждшия наставляет на путь делания заповедей Сына
Твоего и Бога, Емуже благодарственно вопием: Аллилуиа.

Икос 5

Видевше дивную икону Богоматере и познавше ю истинное
Божественное сокровище, к ней усердно притекаем, в недугех
исцеление, в скорбех утешение, в бедах избавление приемлем и
радошно поем Заступнице нашей:

Ра́дуйся, Ма́ти Све́та присносу́щнаго, благода́тию всю вселе́нную
озари́вшего;

ра́дуйся, Со́лнце Пра́вды, Христа́ Бо́га на́шего, яви́вшая.

Ра́дуйся, мрак неве́дения на́шего разгоня́ющая;

ра́дуйся, заря́ми благода́ти нас просвеща́ющая.

Ра́дуйся, свеще́ неугаси́мая, пла́мень ве́ры возжигáющая;

ра́дуйся, свет боговѣдения всем пролива́ющая.

Ра́дуйся, добродѣтели путь освеща́ющая;

ра́дуйся, весну́ спасе́ния нам возвеща́ющая.

Ра́дуйся, явлéнием иконы́ Твоея́ ве́рных осиява́ющая;

ра́дуйся, от бед и напа́стей крѣпкою руко́ю изыма́ющая.

Ра́дуйся, любвѣ́ Божественны́я свети́льнице;

ра́дуйся, святы́ни премíрныя исто́чнице.

Ра́дуйся, Всеми́лостивая Влады́чице, премúдрость и ра́зум ве́рным
лю́дем Твои́м да́рующая.

Кондак 6

Проповѣдует мир весь мѣлости Твоя, Мати Господа нашего, во всех бо концѣх земли икона Твоя, Прибавление ума именуемая, лучами чудес сияет, просвещаящи души наша светом Божия благодати и подвизаящи пѣти прославльшему Тя Богу: Аллилуиа.

Икос 6

Воссия в честней иконѣ Твоей, Богородице, свет спасения всем, блуждающим во тьме грехов и страстей, и всем молящимся пред нею с верою и благоговением скорая помощь подаётся. Умов наших омрачение светом Твоим отжени, Всепетая, и даруй истинный Свет узрети всем, с любовью вопиющим Ти сице:

Радуйся, звездѣ незаходящая, Солнце Правды в мир вводящая;
радуйся, Мати Света истиннаго, души верных просвещающаго.
Радуйся, светлым покровом ум наш омраченный осеняющая;
радуйся, заре не вечерняя, мглу наших грехов разгоняющая.
Радуйся, во благодатнем учении наставляющая;
радуйся, тьмы и вечных мук нас избавляющая.
Радуйся, от сетей вражиих свободяющая;
радуйся, безумие мира побеждающая.
Радуйся, душевредных учений низложение;
радуйся, душеполезных знаний дарование.
Радуйся, иконою Твоею нас утешающая;
радуйся, светом радости души веселящая.

Радуйся, Всемилостивая Владычице, премудрость и разум верным людем Твоим дарующая.

Кондак 7

Хотящи всем человеком спастися и в разум истины приити, Пречистая Мати Свой образ, Прибавление ума именуемая, даровала есть нам, да вси, с верою молящиеся пред ним, крепость слова, и разум, и мудрость приемше, в тишине помыслов Царю и Богу нашему поют: Аллилуиа.

Икос 7

Новая и преславная чудеса являеши, Мати Божия, верным людем святою иконою Твоею: силою благодати Христовы помраченные умом просвещаяеши, от безумия отвращаяеши, расслабленные укрепляеши и всем притекающим к целебному Твоему образу скорую помощь подаеши, подвизаящи пѣти Тебѣ таковая:

Ра́дуйся, из глубины́ невѣдения извлека́ющая;
ра́дуйся, мно́гия в ра́зуме просвеща́ющая.
Ра́дуйся, сло́во премúдрости прося́щим да́рующая;
ра́дуйся, несмы́сленных разúмны содева́ющая.
Ра́дуйся, грехо́вныя по́мыслы отгоня́ющая;
ра́дуйся, сердца́ ожесточе́нная умягча́ющая.
Ра́дуйся, ум к Бо́гу возвыша́ющая;
ра́дуйся, немúдрыя умудря́ющая.
Ра́дуйся, ко благоче́стию наставля́ющая;
ра́дуйся, вѣчною ра́достью одаря́ющая.
Ра́дуйся, к Сы́ну Твоему́ и Бо́гу моли́твы ве́рных принося́щая;
ра́дуйся, и Сама́ непреста́нно у Престо́ла Вседержи́теля о всех
моля́щаяся.

Ра́дуйся, Всеми́лостивая Влады́чице, премúдрость и ра́зум ве́рным
люде́м Твои́м да́рующая.

Кондак 8

Стра́нно есть ви́дети, ка́ко ико́на Твоя́, Пречи́стая Богороди́це
Де́во, руко́ю челове́ческою напи́санная, си́лою Твое́ю Божество́нною
ду́хов тьмы прогоня́ет, немо́щию ума́ одержи́мым ра́зум подаёт и всех
неудо́бь уча́щихся све́тло умудря́ет; те́мже и мы, во гресе́х
погиба́ющих, мо́лим Тя со слеза́ми: изба́ви нас от враг ви́димых и
невиди́мых, от тьмы неразу́мия и мра́ка преле́сти, да всегда́ поём
Спаси́телю и Бо́гу на́шему: Аллилу́иа.

Икос 8

Вся земля́ на́ша преиспо́лнена есть, а́ки звезда́ми богосве́тлыми,
чудотво́рными о́бразами Твои́ми, Богороди́це Де́во, в нейже и сия́
ико́на Твоя́, Прибавле́ние ума́ нарече́нная, благода́тию сияет и
согрева́ет оледене́вшая сердца́ на́ша зна́меньями ми́лости Твоея́ к нам
грешным. Сего́ ра́ди пред ли́ком Твои́м святы́м прекло́ньше колéна,
воспева́ем Тя, Всепречи́стая Ма́ти на́ша, та́ко:

Ра́дуйся, ско́рби на́ша в ра́дость претворя́ющая;
ра́дуйся, от разже́нных стрел лука́ваго нас защища́ющая.
Ра́дуйся, ве́рных ра́зум просвеща́ющая;
ра́дуйся, неве́рныя посрамля́ющая.
Ра́дуйся, младе́нцев воспита́ние и благода́тное охране́ние;
ра́дуйся, ю́ных наста́вление и целомúдренное огражде́ние.
Ра́дуйся, неудобь уча́щимся ра́зум подаю́щая;
ра́дуйся, помраче́нныя умом исцеля́ющая.

Рáдуйся, вράжия сѣти разруша́ющая;
ра́дуйся, благодáтию дѣмоны прогоня́ющая.
Рáдуйся, Мáти щедрóт и милосѣрдия;
ра́дуйся, спасѣния нáшего Надѣждо.

Рáдуйся, Всемíлостивая Влады́чице, премúдрость и рáзум вѣрным
лю́дем Тво́им дáрующая.

Кондак 9

Всякое естество́ А́нгельское благоговѣ́нно Тебѣ слúжит, Небесѣ и
земли́ Царíце, человѣ́ческий же род хвалы́ Тебѣ принóсит и Твою́
святу́ю икóну почита́ет, сию́ бо во отра́ду и утешѣ́ние даровáла еси́
нам. Научи́ нас, о Всеблагáя, достóйно слáвити Тя и воспевáти
ро́ждшемуся от Тебѣ Спасíтелю мíра: Аллилу́иа.

Икос 9

Ветии́ человѣ́честии недоумева́ют познáти та́йну служѣ́ния Твоегó
ро́ду христиáнскому, Богорóдице, ниже́ мóгут изья́снити сíлу
чудотворну́ю, от икóн Тво́их происхо́дящую на всяку́ пользу́
душѣ́вную и телѣ́сную челове́ком. Мы же, правослáвнии, со слезáми
ра́дости пред икóною Твое́ю свято́ю предстоя́ще, прославля́ем Тя,
Благодáтная, и глаго́лем:

Рáдуйся, А́нгелов ра́дование;
ра́дуйся, Арха́нгелов ликовáние.
Рáдуйся, Ю́же на воздúсе сретáют Херувíми;
ра́дуйся, Ёйже похва́льная принóсят Серафíми.
Рáдуйся, свѣ́тлое Цѣ́ркве Небѣ́сных и земн́я украшѣ́ние;
ра́дуйся, всех челове́к и безплóтных удивлѣ́ние.
Рáдуйся, от во́инств Небѣ́сных почита́емая;
ра́дуйся, от земнорóдных поклонѣ́нием прославля́емая.
Рáдуйся, óбразом Тво́им умы́ нáша возводя́щая к мíру Гóрнему;
ра́дуйся, Путево́дительница нáша к Отѣ́честву Небѣ́сному.
Рáдуйся, всех нас при Крестѣ́ Сýна Твоегó усыновíвшая;
ра́дуйся, сия́нием души́ Твоея́ всю зѣ́млю просветíвшая.

Рáдуйся, Всемíлостивая Влады́чице, премúдрость и рáзум вѣрным
лю́дем Тво́им дáрующая.

Кондак 10

Спáсти хотя́ мир от безúмия и прѣлести вράжия, Человеколю́бец
Госпо́дь чúдную икóну Твою́, Богомáти, даровá, пред не́юже
помрачѣ́ннии умóм исцеля́ются, беснúющиися от дѣмонов

свобождаются, скорбящие утешение и радость обретают. Темже прославляюще Бога, подающего нам таковыя милости, вопиём Ему благодарне: Аллилуиа.

Икос 10

Стена еси необоримая и покров нам, Всенепорочная, сопротив ополчений видимых и невидимых враг, ограждаючи нас от всяких бед и болезней. Сего ради припадающе ко иконе Твоей с верою в помощь благодатную и врачевство всех недугов душевных и телесных, радостно вопиём Ти сие:

Радуйся, от путей погибельных нас удаляющая;
радуйся, на всяку истину и правду наставляющая.
Радуйся, духа болезни и уныния отгнание;
радуйся, духа разума и крепости стяжание.
Радуйся, враги силою Божиею посрамляющая;
радуйся, советы нечестивых разоряющая.
Радуйся, беснующимся здравие подающая;
радуйся, вся лютыя недуги врачующая.
Радуйся, от смерти духовныя нас избавляющая;
радуйся, слезами Твоими грехи наша омывающая.
Радуйся, радостию духовною нас дивно насыщающая;
радуйся, в жизнь будущаго века нас вводящая.

Радуйся, Всемилостивая Владычице, премудрость и разум верным людем Твоим дарующая.

Кондак 11

Пение благодарственное приносим пред пречистым образом Твоим, Пренепорочная, за неизреченное Твое милосердие и молимся, о Богоблагодатная: ограді ум наш и сердце от тлетворных учений, неверия и суеверия, сохрани землю нашу от всяких нестроений, врагами веры воздвигаемых, и сподоби нас чистым сердцем славити Создателя нашего, поюще песнь: Аллилуиа.

Икос 11

Яко светоприемную свещу зрим икону Твою, Богомати, сиянием чудес землю нашу просвещающую, на путь спасения нас наставляющую и сердца наша любовью воспламеняющую к Тебе, Пречистой Матери Господа. Мы же, ведуще силу благодати Твоея, песнями радостными прославляем Тя сие:

Радуйся, премудростию Соломона превышшая;

ра́дуйся, сокровенныя тайны Божия верным открывающая.
Ра́дуйся, любомудрыя немудрыя являющая;
ра́дуйся, молние, души просвещающая.
Ра́дуйся, суетную мудрость века сего посрамляющая;
ра́дуйся, ослепленные ею на путь правый наставляющая.
Ра́дуйся, искренне молящимся ум обновляющая;
ра́дуйся, в час недоумений мысль благу на сердце полагающая.
Ра́дуйся, Премудрости и благодати Божия откровение;
ра́дуйся, явившая нам дивную икону Твою, яко дар Небесный.
Ра́дуйся, источнице радости непрестанная;
ра́дуйся, Горняго мира Красото неизреченная.
Ра́дуйся, Всемилостивая Владычице, премудрость и разум верным
людem Твоим дарующая.

Кондак 12

Благодать Божественную испроси у Сына Твоего и Бога, о
Всеблагая, подаждь нам руку помощи, да не погибнем во гресех
наших; согрей нас любовью Твоею, очисти умы наша от горделивых
помыслов, просвети сердечныя очи наша к зрению пути смирения и
сподоби нас в жизни сей и в Царстве Небесном воспевати Творцу и
Создателю нашему: Аллилуиа.

Икос 12

Поюще чудеса, от иконы Твоея явленная, Владычице, хвалим,
славим и величаем Тя, честнейшую воистину Херувим и славнейшую
без сравнения Серафим. Призри с Небес, Богородице, на
предстоящая пред святою иконою Твоею и благодать Твою ниспосли
нам, избави от всяких бед и искушений вражиих всех, яко Заступнице
и Хранительнице нашей вопиющих Ти:

Ра́дуйся, молитвами Твоими весь мир спасающая;
ра́дуйся, светом чистоты Твоея всех просвещающая.
Ра́дуйся, нынешняго скорбнаго века утешение;
ра́дуйся, воли Господни откровение.
Ра́дуйся, землю Русскую в достояние Себе избравшая;
ра́дуйся, явлением чудотворных икон Твоих сию благословившая.
Ра́дуйся, чудесы от образа Твоего к Свету истины нас возводящая;
ра́дуйся, почитающих лик Твой незримо благодатию осеняющая.
Ра́дуйся, радость благодатную в сердца боголюбивая изливающая;
ра́дуйся, двери милосердия Божия ходатайством Твоим
отверзающая.

Рáдуйся, в стяжáнии дарóв Свята́го Ду́ха нам поможе́ние;
ра́дуйся, Же́но, еди́на Чи́стая и Благослове́нная.

Рáдуйся, Всеми́лостивая Влады́чице, премúдрость и ра́зум ве́рным
лю́дем Твои́м да́рующая.

Кондак 13

О́, Всепе́тая Ма́ти Присносу́щнаго Све́та и О́тчия Премúдрости!
Ты еси́ свет омраче́нных, прибавле́ние ума́ и ра́дость серде́ц на́ших;
услы́ши и приими́ моле́ние нас грéшных, умудри́ нас неразу́мных и
наста́ви на пе́ние и моли́тву пред ико́ною Твое́ю дивно́ю. Не преста́й
моли́ти Сы́на Твоего́ и Бо́га о нас, недосто́йных раба́х Твои́х,
сла́вящих Тя и пою́щих Ему́: Аллилу́иа.

Молитва

О́, Пречи́стая Богоро́дице, дарóв духо́вных Подáтельнице, До́ме,
Его́же созда́ Себе́ Премúдрость Бо́жия, от ми́ра к премы́рным ум наш
возводя́щая и всех к позна́нию ра́зума приводя́щая! Приими́ моле́бное
пе́ние от нас, недосто́йных рабо́в Твои́х, с ве́рою и умиле́нием
покланя́ющихся пред пречи́стым о́бразом Твои́м. Умоли́ Сы́на Твоего́
и Бо́га на́шего, да да́рует власте́м на́шим му́дрость и си́лу, судия́м
пра́вду и нелицеприятие, па́стырем му́дрость духо́вную и ре́вность,
наста́вником смиренномúдрие, ча́дом послуша́ние, всем же нам дух
ра́зума и благоче́стия, дух смире́ния и крóтости, дух чистоты́ и
пра́вды. Пода́ждь нам, Всепе́тая Ма́ти, ума́ прибавле́ние, умири́,
соедини́ во вражде́ и разделе́нии су́щия и положи́ им сою́з любви́
неразруши́мый, всех заблúдших от неразу́мия к све́ту йстины
Христо́вы обрати́, на путь стра́ха Бо́жия, воздержáния и трудолю́бия
наста́ви, сло́во премúдрости и душа́м полéзное зна́ние прося́щим
да́руй, осени́ нас ве́чною ра́достью, Херувимов честне́йшая и
Серафимов сла́внейшая су́щи. Мы же, дивная дела́ и многоразу́мную
премúдрость Бо́жию в ми́ре и жи́зни на́шей ви́дяще, устрани́мся
земны́я суеты́ и лука́вых попечéний, и умы́, и сердца́ на́ши на Небеса́
возведе́м, яко́ да Твои́м заступле́нием и по́мощию сла́ву, хвалу́,
благодарéние и поклонéние за вся в Тро́ице сла́вимо́му Бо́гу и всех
Созда́телю возда́дим, ны́не и прýсно и во ве́ки веко́в. Ами́нь.